



IV GOVERNUN KONSTITUSIONÁL SEKRETARIA ESTADU KONSELLU MINISTRU

KOMUNIKADU IMPRENSA

Sorumutu Konsellu Ministru loron 2 fulan Maiu tinan 2012

Konsellu Ministru hala'o sorumutu iha kuarta-feira, loron 2 fulan Maiu tinan 2012, iha Sala Sorumutu Konsellu Ministru nian, iha Palásiu Governu, iha Díli no aprova ona:

1. Planu kona-ba Ensinu Formasaun Téknika Profisionál

Planu kona-ba Ensinu Formasaun Téknika Profisionál ba tinan 2011-2030, Sekretaria Estadu Formasaun Profisionál no Empregu mak dezenvove ona, ho tulun husi Institutu Nasionál Dezenvolvimentu Maundobra (INDMO), Organizasaun Internasionál Traballu (OIT Timor-Leste) no organizasaun australiana *SMYL Community Services nian*.

Planu ida-ne'e apoia iniciativa hirak ne'ebé define ona iha Planu Estratéjiku Dezenvolvimentu Timor-Leste ba tinan 2011-2030, ne'ebé Governu Konstitusionál Dahaat mak halo, hodi kria sistema ida modernu ida kona-ba formasaun téknika-profisionál nian ne'ebé sei hatán bá nesesidade dezenvolvimentu iha prazu badak, médiu no naruk husi kapasidade profisionál sidadaun Timoroan sira nian.

2. Prosesu Revizaun Setór Seguransa nian iha Timor-Leste

Prosesu Revizaun Setór Seguransa Timor-Leste nian ida-ne'e, ne'ebé apresenta ba Konsellu Ministru liuhusi Sekretáriu Estadu Seguransa, konta mós ho partisipasaun husi Primeiru-Ministru no Prezidente Repúblika. Dokumentu ne'e buka atu halo avaliasaun ba dezafiu sira, ba ameasa hirak ne'ebé bele mosu no instituisaun sira, liu-liu kona-ba área hirak ne'ebé mak prezisa reforma no apoia dezenvolvimentu adisionál aparelu Estadu nian.

Nu'udar rezultadu husi elaborasaun dokumentu ida ne'e nian, mak aprova ona lejlzasaun foun ne'ebé importante ba setór sira seguransa no defeza nian, no mós kodifikasaun Sistema Integradu Seguransa Nasionál.

Prosesu Revizaun Setór Seguransa nian iha Timor-Leste hanesan faze dahuluk nian hosi prosesu ida kontinúu ne'ebé sei halo instituisaun sira sai efikáz no eficiente liután, ho mandatu ida klaru no definidu di'ak atu permite operasaun sira koordinada ho didi'ak.

Maske iha dezafiu barak, revizaun ida ne'e iha nia objetivu atu kontinua sustenta dezvoltimentu ba Nasaun ida ne'ebé segura liután, ne'ebé populausaun sente moris iha seguransa nia laran no fiar metin ba polísia, ba militár sira no ba sistema judisiál.

3. Dekretu-Lei ne'ebé aprova revizaun kona-ba Subsídium Hahán nian ba Ofisiál, Sarjentu no Ajente sira Polísia Nasionál Timor-Leste

Diploma ida ne'e atualiza valór mensál husi Subsídium Hahán nian ne'ebé fó ba Ofisiál, Sarjentu no Ajente sira Polísia Nasionál Timor-Leste (PNTL) nian, ne'ebé define ona husi Dekretu Governu nian n.º 5/2009, lora 29 fulan Jullu, tur Rejime Salariál PNTL nian.

4. Dekretu-Lei Governu nian ne'ebé aprova revizaun Subsídium Transporte nian ba Ofisiál, Sarjentu no Ajente sira Polísia Nasionál Timor-Leste

Diploma ida ne'e atualiza valór mensál husi Subsídium Transporte nian ne'ebé fó ba Ofisiál, Sarjentu no Ajente sira Polísia Nasionál Timor-Leste (PNTL), ne'ebé estabelese ona husi Rejime salariál PNTL nian, aprova ona husi Dekretu-Lei n.º 10/2009, lora 18 fulan Feveireiru.

Konsellu Ministru halo mós análise ba:

1. Apresentasaun Relatóriu husi Komisaun Anti-Korrupsaun

Relatóriu auto-avaliasaun husi Komisaun Anti-Korrupsaun (KAK) iha informasaun jerál kona-ba esforsu Estadu nian atu previne no kombate korrupsaun ne'ebé desenvolve ona molok ratifikasaun Konvensaun Nasoins Unidas nian Kontra Korrupsaun (KNUKK) no sistema legál, polítiku no instituisaun ne'ebé vigora hela. Ratifikasaun KNUKK nian implika realizasaun husi relatóriu ida ne'e husi parte KAK nian. Halo ona mós avaliasaun ba Lejizlasaun, aplikasaun husi lei ne'ebé vigora hela, dezafiu hirak ne'ebé atu mosu mai no nesesidade téknika sira. Hafaun remata apresentasaun ba Konsellu Ministru, Prezidente KAK nian, Adéritu de Jesus, entrega formalmente Relatóriu ne'e ba Primeiru-Ministru.

2. Apresentasaun Relatóriu husi Banku Sentrá

Governadór Banku Sentrá, Abrão de Vasconcelos, apresenta ba Konsellu Ministru relatóriu kona-ba setór finansa Timor-Leste nian. Relatóriu ida ne'e iha konkordánsia ho rekomendasaun hirak ne'ebé halo husi Avaliasaun husi Grupu Ázia-Pasífiku kona-ba Brankeamente Kapital ba Timor-Leste.

Dokumentu ne'e halo avaliasaun ida kona-ba Sistema Legál no Institusionál no halo medida preventiva sira ne'ebé dirije ba instituisaun finanseira no la'ós finanseira nian sira nomós forma kooperasaun nasional no internasionál atu haree ba dezvoltimentu ida ne'ebé sustentadu ba setór ne'e nian iha Timor-Leste.